

الامم الحبروی

مدیری : حام ثابت

۱۴ ربیع الآخر ۱۳۳۲

۲۷ شباط ۱۳۳۹

یل ۱

صافی

متأخره (لاپلاس Laplace) کنندن اول (لیبلیچ Leibnitz) طرفدن
 موقع بحثه قونیلش اولان قدر نظریه‌سه دائر شویله یازیور :
 (طبیعتک مجیز اولدییی بالجه قوایی ، و بو طبیعتی تشکیل ایدن عناصر
 جویه‌یی ، (اگر فی الحقیقه طبیعت بو قدر دقیق تحلیلاته مساعد اولورسه) حائر
 اولدییی ، معین بر زمان ایچون تصور اولنان بر ذکا ، دنیاده کی مکونات
 و موجوداتک اعظیمندن اصغرینه قدر بالجه حرکات و سکناتندن خبردار
 اولور. و بونلردن هیچ برینک حال و استقبالی نظر بدقیق و ایفاظندن شه‌سز که
 دور طوتیه‌ماز .)

عربلرک و حقیقت اشیا ، تتبع و تدقیق‌لری بیاه‌ستده و قوفی بولنان بعض
 متأخرلرک ، روح فلسفه‌لری تشکیل ایلان شرق قدریلاکی : بزئوع توکل
 مستریحانه در که انسا نه تحت و طالعک احکامنه اتقاد و اتباعی امر و توصیه ایدر.
 قتالیسم دینی اولمقدن زیاده فطروی در . طینت و سجه‌یه تابع و اونلره کورده
 متحولدر . چونکه محمد (ص . ع .) دن اول بیاه عربلر قدری ، قتالیست ،
 ایدیلر . فقط عربلرک شو معتقدانی اونلرک ترقی و تعالی‌لرینه اجنبی قالدییی کی
 تدنی و انحطاط‌لرینه ده تأثیرسز و عقیم قالدی .

و پارس ، ت . س .

اسلامک بحائی

اسلام و ترقی

۳

اسلامیتک مهم اساسلردن بریسی ده اخوتدر که برملک حیات و بقای ایچون
 برنجی درجه‌ده الزم اولان شی‌ده بودر . زیرا انسان طبعاً مدنی اولوب بک چوق
 احتیاجاته معروض بولندیی و حالبو که محتاج اولدییی شیلرک بردانه‌ستی بیاه‌الکتر
 باشه تدارکدن عاجز بولندیی جهته یشامق ایستیان برملک افرادی آرسته
 غایت صمیمی براخوتک تأسیسه اشد لزوم وارددر .

دین اسلام قرآن کریمک (مؤمنلر قرداشدر) مآئده کی برآیت کریمہ سیلہ
 وحضرت پیغمبرک مدینہ متورہ نی تشریف بیوردقلرنده هرشیدن اول بین المسلمین
 عقد اخوتہ مباشرت بیورمش اولسیلہ واول زمانلر بو اخوتک میراثہ قدر تاثیر
 ایتمش بولمسیلہ بین المسلمین اخوت اساسی تأسیس ایلشدر .

دین اسلام بومهم اساسی غایت متین بر صورتده وضع ایتدکن صکره بوئی
 الی الابد محافظه ایدمچک اسبابی ده احضار ایتمشدر . بودینده زکاتک ، تعاون
 وتناصرک فرضیت ومشروعیتی عداوت وخصومتک ، غیبت وپہتان ویلانک ،
 تفاق وشقاقک ، تفرقه ، فتنه وفسادک ، ادعای قومیت وجنسیتک شدیداً ممنوعیتی
 هب اخوت اسلامیہ نی الی الابد محافظه ایدمچک اسباب جمہ ستنددر .

فی الواقع برملتک فقراسنی اوملتک اغنیاستدن معاونت کورماز وھیچ اولماز
 ایسه انک ثروتندن لاقل قرقدہ برستنده استفادہ ایجاز ایسه اولیہ برملتک
 بتون افرادی آرمسنده صمیمی وجدی براخوتک تأسسہ امکان قالماز کذا
 برملت عداوتدن ، خصومتدن غیبتدن ، بہتاندن ، یلانندن ، تفاق وشقاقندن ،
 تفرقه ، فتنه وفساددن ، ادعای جنسیت وقومیتدن شدتہ منع ایدلمازسه اوملت
 آرمسنده اخوتدن اثر بولته ماز . ویناہ علیہ اولیہ برملتک یشامسی ده قابل اولماز .

*

* *

اسلامتک اساسات مهمہ ستدن بری ده اعداد قوتندر . بواسس قرآن کریمک
 (دشمنلر بکرہ قارشو اقداری بکرہ یتدیکی قدر قوت حاضر لایبکر) مآئده اولان
 برآیت کریمہ سیلہ بتون مسلمانلرہ فرض اولمشدرکہ بالجمله ترقیاتک اسباب
 حصولنی تأمینہ کافی براساسدر . زیرا برشی فرض اولتجه انک توقف ایتدیکی
 شیلرک دخی بالطبع فرض اولسی لازم کایدیکنندن اعداد قوتک فرضیتی انک
 موقوف علیہی اولان استحصال ثروتک فرضیتی واستحصال ثروتک فرضیتی ده
 انک توقف ایتدیکی معرفت ، صنعت ، تجارت ، زراعت ، قلاحت کی شیلرک
 کافہ سنک فرضیتی تضمن ایتمکده در . شو حالده دین اسلام دشمنہ قارشو اعداد
 قوتی بتون مسلمانلرہ فرض قلمش اولسیلہ انک موقوف علیہی اولان ثروت
 معرفت ، صنعت ، تجارت ، زراعت وسائرہ کی شیلرک کافہ سننی دخی فرض قلمش

اولیور دیمکدر . سعادت بشریہ تک تأمینی ایچون کلش اولان بر دین ساوینک
انسانلر حقندہ یاپہ جنی ایولک دہ ایشہ بو قدر اولہ بیلور ، بواساس متینی تطبیق
وموقع اجرایہ وضع ایسہ انسانلرک کندی غیرت وفعالیتہ منوط بر کیفیتدر .

بونک ایچوندرکہ صدر اسلامدہ عطات اصلا کورولیلور ایدی . بتون
مسلمانلر متادیاً چالیسیورلر ، یشامق ویشامق ایچون علی الدوام اوغراشیورلر
ایدی . سنہدہ ایکی بایرام کونلرندن ماعدا آنلرک ایام تعطیلیلری یوق ایدی .
حتی جمعہ کونلرندہ بیله کسب و تجارتہ اشتغالہ مأمور ایدیلر . نتکیم قرآن کریمک
(جمعہ اذانی او قوندینی وقت ادای صلاتہ سرعتہ کیدیکز و بوائتادہ بیع و شرایی
ترک ایدیکز و نمازی ادا ایدنجه در عقب داغیلوب ینہ بیع و شرا ایله بالاشتغال
اللہک سزہ فضلندن تقدیر ایتدیکی رزقکزی طلب واستحصالہ چالیسیکز)
مآئندہ کی بر آیت کریمہ دخی بو حقیقتی قطعی بر صورتدہ بیان ایتکدہ در .

ایشہ صدر اسلامدہ اهل اسلام دین اسلام کندیلرینہ بخش ایلدیکی بروجه
بالادرج ایتدیکنز اساسات مهمہ یہ صوک درجه رعایت ایتدکلرندن دولاییدرکہ
یکرمی ، او توزسنہ ظرقندہ شمس منیر اسلامیت بتون جزیرة العربی انوار فیوضات
بخشاسیلہ تنویر ایتدکلن صکرہ حدود چینیدن بحر محیط اطالاسی یہ قدر اولان
معمورہ جهانک کافہ سنی دخی وایہ دار فیوضات ایلشدر .

— خاتمہ —

شمدی « دین اسلام مانع تر قیدر » دیان ذواتہ صورارم : بو مقالہ مزیدہ بیان
ایتدیکنز اساسات مهمہ دین اسلامدن بشقہ هانکی دیندہ واردر . وملت اسلامیه تک
کندی عطات و جهالتلری یوزندن اوغرا دقلری فلا کتلیک اسبابی او قدر علوی
اولان دین اسلامدہ آرمق موافق انصافیدر ؟ لطفاً یوسؤ اللہ ریمہ جواب ویرملرینی
کندیلرندن بکلرم .

شیخ الاسلام اسبق

موسیٰ ماضم